

Rubrikenn : Sevenadur

**Isrubrikenn** : Kreizenn sevenadurel ar Ville Robert

## **Un dra bennak da lavaret deoc'h**

Sur a-walc'h e kavot e programm ar greizenn sevenadurel un dra bennak hag a blijo deoc'h... hag ivez kinnigoù ha na blijint ket deoc'h ! Ha mat eo evel-se ; pal al lec'h-se n'eo ket plijout d'an holl bepred, met reiñ da bep hini ar c'hoant da vont di ur wech ar bloaz da nebeutañ ! Ha war-lerc'h, tapout ar boaz da zistreiñ di, goude bezañ bet plijet gant un arvest brav bennak ...

Daou zezverk zo evit dibab an arvestoù : ar galite hag al liesseurted. Klask a ra ar programmer kejañ anezho ha broudañ ac'hanoc'h da zont d'ober anaoudegezh gant un arzour na vijec'h ket aet da welet eus ho penn hoc'h-unan...

## **Un dra bennak da ziskouez...**

Un ugent arvest bennak a vo e-pad ar sezon : fent, kontadennoù pe barzhoniezh, kanaouennoù, sonadegoù rock pe sonerezh klasel, margodennoù, c'hoariva, furlukined... Stummoù bihan eus an arz peurliesañ : one man show, abadennoù omp bet entanet ganto, arvestoù dizoleiñ & rakkentaennoù ! Hag atav, e-pad an arvestoù pe an abadennoù, un tammig bihan a vrezhoneg e-kreiz ar programm.

## **Un dra bennak da skoazellañ...**

Skoazellañ ar c'hrouiñ en ur zegemer arzourien en ANNEZ pe e-barzh ar wikefre DIWALLIT, LABOURIOÙ\* eo ar pal all zo gant ar greizenn sevenadurel.

Ur skoazell deknikel hag ur skoazell arc'hant, met ivez ur skoazell evit skignañ arvestoù emeur o krouiñ : prometiñ a ra ar Greizenn sevenadurel mont a-du gant o ganedigezh en ur reiñ tro dezho da zont er bed enni. Abadenn gentañ !

Kaset e vez an oberoù-se en-dro gant ar skoazell degaset gant Kêr Borzhig, gant harp ar C'huzul-departamant ha kevelerien ar c'hompagnunezhioù.

\* **Diwallit Labourioù** zo ur stumm « skañvaet » eus an annez, a c'hoarvez e-pad ur prantad berroc'h, a c'haller peurlipat gantañ ul labour boulc'het-mat dija ha kinnig d'an dud un arvest tost a-walc'h d'e stumm peurechu.

## **Un dra bennak a gevredigezhel**

- ar greizenn sevenadurel a vir he sal arvestoù evit un heuliad abadennoù ha nozvezhioù (c'hoariva, prezegennoù, stajoù...) aozet gant kevredigezhioù eus Porzhig pe a lec'h all..
- kevredigezhioù Porzhig a c'hall implijout salioù hag aveadurioù all ar greizenn sevenadurel
  - labourva luc'hskeudennoù
  - sal evit an arzoù neuziañ
  - salioù emvod (4)
  - sal dañs

## **Un dra bennak da lodennañ**

- A-hed ar bloaz e vez eskemmoù gant ar skolidi (dibab levrioù, divizoù, atalieroù krouiñ) da-heul an arvestoù evit ar re yaouank kinniget er greizenn sevenadurel...
- Meur a oberiadenn a ro lec'h d'un taol keveliñ etre ar greizenn sevenadurel ha Mediaoueg an IG.
  - Gouel al lenn
  - Bier lennegel
  - Mizvezh an teulfilmoù (miz Du)
  - Gouel an « Netraoùigoù »
- Ur priz izel evit beajiñ a leurenn da leurenn : c'hwec'h leurenn eus Bro Sant-Brieg a genlabour a-benn kinnig arvestoù marc'hadmat deoc'h. Ma'z oc'h koumanantet da unan eus ar salioù e c'hallit kaout ur rabat war ar priz evit tout programm ar pemp sal all..
  - Kreizenn Sevenadurel ar Ville Robert (Porzhig)
  - Quai des rêves (Lambal)
  - Le Grand Pré (Langaeg)
  - Salle Horizon (Pledran)
  - Espace Victor Hugo (Ploufragan)
  - Bleu pluriel (Tregaeg)

## Un dra bennak er Porzh...

« Porzh an Arzoù » zo un abadenn Arz modern a vez kenaozet bep daou vloaz gant « Arts évolution » ha kumun Borzhig.

Livadurioù, kizelladurioù, sevenadennoù neuziañ, kantadoù a oberennoù a vez diskouezet e porzh ar greizenn sevenadurel hag ouzh he mogerioù. Kaeraet eo an endro gant ul leurenadur hag ur c'hinkladur graet gant kevredigezhioù eus Porzhig en em ouestl d'an dañs, d'ar sonerezh, da arz ar bleunioù...

Gant an abadenn-se e vez sachet miliadoù a dud, hag aozet e vez e fin miz Here – deroù miz Du.

An arz en amen d'an holl !



Servij Treiñ-Aliañ Ofis ar Brezhoneg / Service Traduction-Conseil de l'Office de la Langue Bretonne